

摛藻堂四庫全書薈要

集部

欽定四庫全書
欽定全唐詩卷一萬七千四百八十四

集部

御定全唐詩卷七十九

駱賓王

棹歌行

寫月塗黃罷凌波拾翠通鏡花搖芰日衣麝入荷風葉密舟難蕩蓮疎浦易空鳳媒羞自托鴛翼恨難窮秋一作

愁

帳燈華一作光

翠倡樓粉色紅相思無別曲併在棹歌

中

海曲書情

薄遊倦千里勞生負百年未能槎上漢詎肯劍遊燕白
雲照春海青山橫曙天江濤讓雙璧渭水擲三錢坐惜
風光晚長歌獨塊然

蓬萊鎮

旅客春心斷邊城夜望高野樓疑海氣白鷺似江濤結
綬疲三入承冠泣二毛將飛憐弱羽欲濟乏輕舠賴有

陽春曲窮愁且代勞

和李明府

傳聞葉縣履飛向洛陽
城馳道臨層拔津門對小平霞
殘疑製錦雲度似飄纓藻掞潘江
散塵虛范翫清詎憐衝斗氣猶向匣中鳴

春晚從李長史遊開道林故山

幽尋極幽壑春望陟春臺雲光棲斷樹
霞影入仙杯古藤依格上野徑約山隈
落葉翻風去流鶯滿樹來興闌
首御動歸路起浮埃

冬日野望

故人無與晤安步陟山椒野靜連雲卷川明斷霧銷靈巖聞曉籟洞浦漲秋潮三江歸望斷千里故鄉遙勞歌徒自奏客魂誰為招

晚渡黃河

千里尋歸路一葦亂平源通波連馬頰迸水急龍門照日榮光淨驚風瑞浪翻棹唱臨風斷樵謳入聽喧岸迴秋霞落潭深夕霧繁誰堪逝川上日暮不歸魂

宿山莊

金陵一超忽玉燭幾還周露積吳臺草風入郢門楸林
虛宿斷霧磴險挂懸流拾青非漢策化緇類秦裘韋迹
猶多蹇勞生未寡尤獨此他鄉夢空山明月秋

晚度天山有懷京邑

忽上天山路依然想物華雲疑上苑葉雪似御溝花行
歎戎麾遠坐憐衣帶賒交河浮絕塞弱水浸流沙旅思
徒漂梗歸期未及瓜寧知心斷絕夜夜泣胡笳

夕次蒲類津

一作晚
泊蒲類

二庭歸望斷萬里客心愁山路猶南屬河源自北流晚
風連朔氣新月照邊秋竈火通軍壁烽煙上戍樓龍庭
但苦戰燕領會封侯莫作蘭山下空令漢國羞

遠使海曲春夜多懷

長嘯三春晚端居百慮盈未安胡蝶夢遽切魯禽情別
島連寰海離魂斷戍城流星疑伴使低月似依營懷祿
寧期達牽時匪徇名艱虞行已遠時一作迹自相驚

早發諸暨

征夫懷遠路夙駕上危巒薄煙橫絕巘輕凍澁回湍野
霧連空暗山風入曙寒帝城臨灞涘禹穴枕江干橘性
行應化蓬心去不安獨掩窮途淚長歌行路難

望月有所思

九秋京風

一作氣

肅千里月華開圓光隨露湛碎影逐波

來似霜明玉砌如鏡寫珠胎晚色依闌近邊聲雜吹哀
離居分照耀怨緒共裴徊自繞南飛羽空忝北堂才

送吳七遊蜀

日觀分齊壤星橋接蜀門桃花嘶別路竹葉瀉離樽

老

一作盡

蘭猶茂秋深

一作新

柳尚繁霧銷山望迴風高野

聽喧勞歌徒欲奏贈別竟無言唯有當秋月空照野人

園

西行別東臺詳正學士

意氣坐相親關河別故人客似

一作自

秦川上歌疑

一作從

易水濱塞荒行辨玉臺遠尚名輪洩井懷邊將尋源重

漢臣上苑梅花早御溝楊柳新只應持此曲別作邊城

春

和王記室從趙王春日遊陀山寺

鳥旛陪訪道鷺嶺狎樓真四禪明靜業三空廣勝因祥
河疎疊澗慧日皎重輪葉暗龍宮密花明鹿苑春彫談
筌奧旨妙辯漱玄津雅曲終難和徒自奏巴人

夏日夜憶張二

伏枕憂思深擁膝獨長吟烹鯉無尺素筌魚勞寸心疎

麻空有折芳桂湛無斟廣庭含夕氣閒宇澹虛陰織蟲
垂夜砌驚鳥棲暝林驩娛百年促羈病一生侵詎堪孤
月夜流水入鳴琴

寒夜獨坐遊子多懷簡知已

故鄉眇千里離憂積萬端鶉服長悲碎蝎廬未卜安富
鉤徒有想貧鉢為誰彈柳秋風葉脆荷曉露文團晚金
叢岸菊餘佩下幽蘭伐木傷心易維桑歸去難獨有孤
明月時照客庭寒

在軍中贈先還知己

蓬轉俱行役
爪時獨未還
魂迷金闕路
望斷玉門關
獻凱多慙霍
論封一作功
幾謝班風塵
催白首
歲月損紅顏

落雁低秋塞
驚鳴起暝灣
胡霜如劍鍔
漢月似刀環
別後邊庭樹
相思幾度攀

秋日山行簡梁大官

乘馬陟層阜
回首睇山川
攢峰銜宿霧
疊巒架寒煙
百重含翠色
一道落飛泉
香吹分巖桂
鮮雲抱石蓮
地偏

心易遠致默體逾玄得性虛遊乃忘言已棄筌彈冠勞
巧拙結綬倦牽纏不如從四皓丘中鳴一弦

晚泊江鎮

四運移陰律三翼泛陽侯荷香銷晚夏菊氣入新秋夜
鳥喧粉堞宿雁下蘆洲海霧籠邊徼江風繞戍樓轉蓬
驚別渚徙橘愴離憂魂飛灞陵岸淚盡洞庭流振影希
鴻陸逃名謝蟻丘還嗟帝鄉遠空望白雲浮

浮槎

并序

遊目川上觀一浮槎泛泛然若木偶之乘流迷不知其所適也觀其根柢盤屈枝幹扶疎大則有棟梁舟楫之材小則有輪轅棖桷之用非夫稟乾坤之秀氣含宇宙之淳精孰能負凌雲槩日之姿抱積雪封霜之骨向使懷材幽藪藏穎重巖絕望於巖廊之榮遺形於斤斧之患固可垂蔭萬畝懸映九霄與建木較其短長將大椿齊其年壽者而委根險岸託質畏途上為疾風衝飈所摧殘下為奔

浪迅波所激射基由壤括勢以地危豈盛衰之理
繫乎時封植之道存乎我一墜泉谷萬里飄淪與
波浮沈隨時逝止雖殷仲文歎生意已盡孔宣父
知朽質難雕然而遇良工逢仙客牛礪可託玉璜
之路非遙匠石先談萬乘之器何遠故材用與不
用時也悲夫然知萬物之相應感者亦奚必同聲
同氣而已哉感而賦詩貽諸同疾云爾

昔負千尋質高臨九仞峰真心凌晚桂勁節掩寒松忽

值風飈折坐為波浪衝摧殘空有恨擁腫遂無庸渤海
三千里泥沙幾萬重似舟飄不定如梗泛何從仙客終
難托良工豈易逢徒懷萬乘器誰為一先容

晚泊河曲

三秋倦行役千里泛歸潮通波竹箭水輕舸木蘭橈金
闕連曲岸貝闕影浮橋水淨千年近星飛五老遙疊花
開宿浪浮葉下涼飈浦荷疎晚菂津柳漬寒條恓惶勞
梗泛悽斷倦蓬飄仙槎不可託河上獨長謠

早發淮口望盱眙

養蒙分四瀆習坎奠三荆徙帝留餘地封王表舊城岸
昏涌蜃氣潮滿應雞聲洲迴連沙靜川虛積溜明一朝
從捧檄千里倦懸旌背流桐柏遠逗浦木蘭輕小山迷
隱路大塊切勞生唯有貞心在獨映寒潭清

邊城落日

紫塞流沙北黃圖灞水東一朝辭俎豆萬里逐沙蓬侯
月恒持滿尋源屢鑿空野昏邊氣合烽迴戍煙通膂力

風塵倦疆場歲月窮河流控積石山路遠崆峒壯志凌
蒼兕精誠貫白虹君恩如可報龍劍有雌雄

宿溫城望軍營

虜地寒膠折邊城夜柝聞兵符闕帝闕天策動將軍塞

一作成 靜胡笳徹沙明楚練分風旗翻翼影霜劍轉龍文

白羽搖如月青山斷若雲煙疎疑卷慢塵滅似銷氛投

筆懷班業臨戎想顧勲還應雪漢恥持此報明君

過故宋

舊國千年盡荒城四望通雲浮非隱帝日舉類遊童綺
琴朝化洽祥石夜論空馬去遙奔鄭蛇分近帶豐池文
斂束水竹影漏寒叢園兔承行月川禽避斷風故宋誠
難定從梁事未工唯當過周客獨愧吳臺空

邊夜有懷

漢地行逾遠燕山去不窮城荒猶築怨碣毀尚銘功古
戍煙塵滿邊庭人事空夜闌明隴月秋塞急胡風倚伏
良難定榮枯豈易通旅魂勞泛梗離恨斷征蓬蘇武封

猶薄崔駰宦不工惟餘此隻意欲寄南飛鴻

傷祝阿王明府

并序

夫心之悲矣非關春秋之氣聲之哀也豈移金石之音何則事感則萬緒興端情應則百憂交軫是以宣尼舊館流襟動激楚之悲孟嘗高臺承睫下聞琴之淚祝阿王明府毓德丹穴襲吉黃裳靈基峙金闕之峰層源瀨玉輪之坂既而鴻飛漸陸將騁平輿之龍鶴鳴在陰爰絆朝歌之驥乃當名懸

闔月德貫陳星豈徒遽切夢瓊掩沈連石嗟乎輪
銷桂魄驪珠毀貝闕之前斗散紫氛龍劍沒延平
之水某昔承嘉惠曲荷恩光留連嘯歌從容風月
撫心陳迹泣血漣如然而始終者萬物之大歸生
死者百年之常分雖則知理之可有而未曉情之
可無聊綴悲歌敢貽同好諸君或締交三益列宰
一司或叶契筌蹄投心膠漆如比肩於千里遽傷
魂於九原既切芝焚彌深蕙歎盍言四始同賦七

哀庶蘭室流薰襲遺芳而化德故蓬心申拙效庸
音於起予觸目多懷周增流慟

洛川真氣上重泉惠政融含章先後烈繼武嗣前雄與
善良難驗生涯忽易窮翔鳬猶化履狎雉尚馴童錢滿
荒階綠塵浮虛帳紅夏餘將宿草秋近未驚蓬煙晦泉
門閉日盡一作遠夜臺空誰堪孤隴外獨聽白楊風

四月八日題七級

化城分鳥堞香閣俯龍川複棟侵黃道重簷架紫煙銘

書非晉代壁畫是梁年霸略今何在王宮尚歸然二帝
曾遊聖三卿是偶賢因一作昔茲遊勝侶超彼託良緣我

出有為界君登非想天悠悠青曠裏蕩蕩白雲前今日

經行處曲音一本缺此字號蓋煙

和孫長史秋日卧病

霍第疏天府潘園近帝臺調弦三婦至置驛五侯來尚
想歡娛洽吁嗟歲月催金壇分上將玉帳引瓊材決勝
鯨波靜騰謀鳥谷開白雲淮水外紫陌灞陵隈節變驚

衰柳笳繁思落梅調神和玉燭掞藻握珠胎悵矣欣懷
土居然欲死灰還因承雅曲暫喜躍沈鯷

餞鄭安陽入蜀

彭山一作門折坂外井絡少城隈地是三巴俗人非百里

材畏一作長途君悵望岐一作別

路我裴徊心賞風煙隔容

華歲月催遙遙分鳳野去去轉龍媒遺錦非前邑鳴琴
即舊臺劍門千仞起石路五丁開海客乘槎渡仙童馭
竹回魂將離鶴遠思逐斷猿哀唯有雙鳬鳥飛去復飛

來

詠懷

少年識事淺不知交道難一言芬若桂四海臭如蘭寶
劍恩存楚金鉢許報韓虛心徒有託循迹諒無端太息
關山險吁嗟歲月闌忘機殊會俗守拙異懷安阮籍空
長嘯劉琨獨未懼十步庭芳斂三秋隴月圓槐疎非盡
意松晚夜凌寒悲調弦中急窮愁醉裏寬莫將流水引
空向俗人彈

春日離長安客中言懷

一作春

霽早行

年華開早律，霽色蕩芳晨。
城闕千門曉，山河四望春。
御溝通太液，戚里對平津。
寶瑟調中婦，金罍引上賓。
劇談推曼倩，驚坐揖陳遵。
意氣一言合，風期萬里親。
自惟安直道，守拙忌因人。
談器非先木
一作蟠木
圖榮異後薪。
椰榆慙路鬼，憔悴切波臣。
玄草終疲漢，烏裘幾滯秦。
生涯無歲月，岐路有風塵。
還嗟太行道，處處白頭新。

夕次舊吳

維舟背楚服振策下吳畿盛德宏三讓雄圖枕一作抗九

圍黃池通霸迹赤壁暢戎威文物俄遷謝英靈有盛衰

行歎鷗夷沒遽惜湛盧飛地古煙塵暗年深館宇稀山

川四望是人事一朝非懸劍空留信亡珠尚識機鄭風

遙可託闊月眇一作耿難依西北雲逾滯東南氣轉微徒

懷伯通隱多謝買臣歸唯有荒臺露薄暮濕征衣

早秋出塞寄東臺詳正學士

促駕踰三水長驅望五原天階分斗極地理接樓煩溪

月明關龍戎

一作

雲聚塞垣山川殊物候風壤異涼暄

戍古秋塵合

一作冷

沙寒宿霧繁昔余迷學步投迹忝詞

源蘭渚浮延閣蓬山

款禁園影纓陪緩冕載筆偶輿璠

汲冢寧詳蠹秦牢詎辨寃

一朝從篚服千里鶩輕軒鄉

夢隨魂斷邊聲入聽喧

南圖終鏹翮北上遽催轅弔影

慙連茹浮生倦觸藩數奇

何以託桃李自無言

幽摯書情通簡知已

昔歲逢楊意

一作陽歷

觀光貴

一作責

楚材穴疑丹鳳起場似白

駒來一命淪驕餌三緘慎禍胎不言勞倚伏忽此遭遭

迴驄馬刑章峻蒼鷹獄吏猜絕縑非易辨疑璧果難裁

揆畫

一作
揆拙

慙周道端憂滯夏臺生涯一滅裂岐路幾襄

徊青陸春芳動黃沙旅思催圓扉長寂寂疎網尚恢恢

入穿先

一作
方

搖尾迷津正曝腮覆盆徒望日蟄戶未經

雷霜歇蘭猶敗風多木屢摧地幽蠹室閉門靜雀羅開

自憫秦冤痛誰憐楚秦哀漢陽窮鳥客梁甫卧龍才有

氣還衝斗無時會鑿坏莫言韓長孺長作不然灰

久戍邊城有懷京邑

擾擾風塵地遑遑名利途盈虛一易舛心迹兩難俱弱
齡小山志寧期大丈夫九微光賁玉干仞忽彈珠棘寺
游三禮蓬山簉八儒懷鉉慙後進投筆願前驅北走非
通趙西之似化胡錦車朝促候刁斗夜傳呼戰士青緣
絡將軍黃石符連星入寶劍半月上彫弧拜井開疎勒
鳴桴動密須戎機習短蕡祆祲靜長榆季月炎初盡邊
亭草早枯層陰籠古木窮色變寒蕪海鶴聲嘹唳城烏

尾畢逋葭繁秋色引桂滿夕輪孤行役風霜久鄉園夢
想徒灞池遙夏國秦海望陽紆沙塞三千里京城十二
衢楊溝連鳳闕槐路擬鴻都璧殿規宸象金堤法斗樞
雲浮西北蓋月照東南隅寶帳垂連理銀牀轉轆轤廣
筵留上客豐饌引中厨漏緩金徒箭嬌繁玉女壺秋濤
飛喻馬春水泛仙艤意氣風雲合言忘道術趨共矜名
已泰詎肯沫相濡有志慙雕朽無庸類散樗闕山暫超
忽形影歎艱虞結網空知羨圖榮豈自誣忘情同塞馬

比德類宛駒
隴阪肝腸絕
陽關亭堠迷
魂驚落雁離
恨斷飛鳴春去
榮華盡年來
歲月無邊愁
傷郢調鄉思
繞吳歛河氣通
中國山途限外
區相思若可寄
冰泮有

銜蘆

在軍登城樓

城上風威冷
江中水氣寒
戎衣何日定
歌舞入長安

於易水送人

此地別燕丹
壯士髮

一作壯
髮上

衝冠昔時人已沒
今日水

猶寒

詠鏡

寫月無芳桂照日有花菱不持光謝水翻將影學冰

挑燈杖

稟質非貪熱焦心豈憚熬終知不自潤何處用脂膏

詠塵

凌波起羅襪含風染素衣別有知音調聞歌應自飛

翫初月

一作沈
佺期詩

忌滿光先

一作恒

缺乘昏影暫流既

一作自

能明似鏡何用

曲如鉤

送別

寒更承夜永涼夕向秋澄離心何以贈自有玉壺冰

憶蜀地佳人

東西吳蜀闊山遠魚來雁去兩難聞莫怪常有千行淚
只為陽臺一片雲

詠鶯

七歲時作

鴛鴦鸞曲項向天歌白毛浮綠水紅掌撥清波

御定全唐詩卷七十九

欽定四庫全書
唐詩卷八十五

集部

御定全唐詩卷八十

武三思

武三思則天兄子累官右衛將軍則天臨朝擢夏官尚書及革命封梁王尋拜天官尚書聖歷初檢校內史進太子賓客長安中其子崇訓尚安樂公主時三思用事於朝欲寵異其禮乃自重光門內行親迎禮歸於天津橋南私第又令宰臣李嶠蘇味道詞人沈佺期宋之間

等賦花燭行以美之中宗復位拜司空同中書門下三品猜嫉正士干黷時政為節愍太子所誅詩八首

奉和聖製夏日遊石淙山

第二句缺一字

此地巖壑數千重吾君駕鶴乘龍掩映葉光含翡翠參差石影帶芙蓉白日將移衝疊巘立雲欲度礙高峰對酒鳴琴追野趣時聞清吹入長松

仙鶴篇

白鶴乘空何處飛青田紫蓋本相依緇山七月雖長去

遼水千年會憶歸。緜山杳杳翔寥廓。遼水纍纍歎城郭。
經隨羽客步丹丘。曾逐仙人遊碧落。迢迢碧落斷氛埃。
霞堂雲閣幾重開。欲尋東海黃金竈。仍向西山白玉臺。
九臯獨唳方清切。五里驚羣俄斷絕。月下分行似度雲。
風前颺影疑迴雪。風前月下路漫漫。水宿雲翔去幾般。
宛轉能傾吳國市。裔回巧拂漢皇壇。琴中作曲從來易。
鼓裏傳聲有甚難。夜夜恒飛銀漢曲。朝朝常飲玉池瀾。
別有聞簫出紫煙。還如化履上青天。霜毛忽控三神下。

玉羽俄看二客旋燕雀終迷橫海志蜉蝣豈識在陰年
莫言一舉輕千里為與三山送九仙

宴龍泓

登臨開勝託眺矚盡良遊巖萼繁紆上澄潭屈曲流泛
蘭清興洽折桂野文道別後相思處崎嶇碧澗幽

凝碧池侍宴應制得出水槎

彼木生何代為槎復幾年欲乘銀漢曲先泛玉池邊擁
溜根橫岸沈波影倒懸無勞問蜀客此處即高天

奉和宴小山池賦得谿字應制

年光開碧沼雲色斂青谿凍解魚方戲風暄鳥欲啼巖泉飛野鶴石鏡舞山雞柳發龍鱗出松新塵尾齊九韶從此驗三月定應迷

奉和過梁王宅即目應制

巖居多水石野宅滿風煙本謂開三徑俄欣降九天穿林移步輦拂岸轉行旃鳳竹初垂籜龜河未吐蓮願持山作壽恒用刼為年

奉和春日游龍門應制

鳳駕臨香地，龍輿上翠微。星宮含雨氣，月殿抱春輝。
碧澗長虹下，雕梁早燕歸。雲疑浮寶蓋，石似拂天衣。
露草侵階長，風花遠席飛。日斜宸賞洽，清吹入重闈。

秋日于天中寺尋復禮上人

妙域三時殿，香巖七寶宮。金繩先界道，玉柄即談空。
詣筏知何極，傳燈竟不窮。彌天高義遠，初地勝因通。
理詣歸一處，心行不二中。有無雙惑遣，真俗兩緣同。
摘葉疑

梵翠投花若散紅網珠遙映日簷鐸近吟風定沼寒光
素禪枝暝色葱願隨方便力長冀釋塵籠

句

雲螭非易匹月駟本難傳

詠馬見海錄碎事

張易之

張易之定州人以門蔭累遷尚乘奉御則天臨朝與弟
昌宗俱入侍禁中俄為司衛少卿聖歷二年置控鶴府
以易之為控鶴監內供奉久視初改控鶴府為奉宸府

遂為奉宸令引詞人閣朝隱薛稷員半千並為奉宸供奉易之昌宗皆粗能屬文如應詔和詩則宋之間閣朝隱為之代作詩四首

奉和聖製夏日遊石淙山

六龍驤首曉駿駿七聖陪軒集穎陰千丈松蘿交翠幕
一丘山水當鳴琴青鳥白雲王母使垂藤斷葛野人心
山中日暮幽巖下冷然香吹落花深

侍從過公主南宅侍宴探得風字應制

逐賞平陽第鳴笳上苑東鳥吟千戶竹蝶舞百花叢時
攀小山桂共挹大王風坐客無勞起秦簫曲未終

出塞

俠客重恩光駿馬飾金裝臂聞傳羽檄馳突厥邊荒轉
戰磨笄地橫行戴斗鄉將軍占太白小婦怨流黃驥裹
青絲騎娉婷紅粉妝一一作春鶯度曲八月雁成行誰

堪坐秋思羅袖拂空牀

泛舟侍宴應制

平明出御溝解攬坐迴舟綠水澄明月紅羅結綺樓弦
歌爭浦入冠蓋逐川流白魚臣作伴相對舞王舟

張昌宗

張昌宗易之弟初為雲麾將軍行左千牛中郎將加銀
青光祿大夫佞者奏昌宗是王子晉後身詞人皆賦詩
以美之崔融作為絕唱則天詔昌宗撰三教珠英引文
學之士李嶠張說宋之間徐彥伯富嘉謨等二十六人
分門撰集書成加昌宗司僕卿改春官侍郎時易之兄

弟嶺權亂政後為張柬之等起羽林兵誅之詩三首

奉和聖製夏日遊石淙山

雲車遙裔三珠樹
帳殿交陰八桂叢
磽險泉聲疑度雨
川平橋勢若晴虹
叔夜彈琴歌白雪
孫登長嘯韻清風
即此陪歡遊
閨苑無勞辛苦向崆峒

少年行

少年不識事落魄
遊韓魏珠軒流水車玉勒
浮雲騎縱橫
意不一然諾心無二白璧贈穰苴
黃金奉毛遂妙舞

飄龍管清歌吟鳳吹三春小苑遊千日中山醉直言身
可沈誰論名與利依倚孟嘗君自知能市義

太平公主山亭侍宴

淮南有小山羸女隱其間折桂芙蓉浦吹簫明月灣扇
掩將離曲釵承墮馬鬟歡情本無限莫掩洛城一作陽關

薛曜

薛曜元超子以文學知名尚城陽公主子紹尚太平公
主紹兄顥懼太盛以問從兄克克曰帝甥尚主由來故

事但以恭慎行之何懼也聖歷中與修三教珠英官正

諫大夫集二十卷今存詩五首

奉和聖製夏日遊石淙山

玉洞幽尋更是天朱霞綠景鎮韶年飛花藉藉迷行路
轉鳥遙遙作管弦霧隱長林成翠幄風吹細雨即虹泉
此中碧酒恒參聖浪道崑山別有仙

子夜冬歌

朔風扣羣木嚴霜凋百草借問月中人安得長不老

舞馬篇

星精龍種競騰驥雙眼黃金紫靨光一朝逢遇昇平代

伏皂銜圖事帝王我皇盛德若六宇俗泰時和虞石拊

昔聞九代有餘名

山海經夏后啟舞九代馬

今日百獸先來舞鉤陳

周衛儼旌旄鐘鑄陶匏聲殷地承雲嘈嘈駭日靈調露

鏗鎗動天馳奔塵飛箭若鱗螭躡景追風忽見知咀銜

拉鐵並權竒被服雕章何陸離紫玉鳴珂臨寶燈青絲

綵絡帶金羈隨歌鼓而電驚逐丸劒而飈馳態聚踴還

急驕凝驟不移光敵白日下氣擁綠煙垂婉轉盤跚殊
未已懸空步驟紅塵起驚鳬翔鷺不堪傳矯鳳迴鸞那
足擬衡垂桂裏香氛氲長鳴汗血盡浮雲不辭辛苦來
東道祇為簫韶朝夕聞闇闔間玉臺側承恩煦兮生光
色鸞鏘鏘車翼翼備國容兮為戎飾充雲翹兮天子庭
荷日用兮情無極吉良乘兮一千歲神是得兮天地期

大易占云南山壽趨趨共樂聖明時

品彙本刪闔

闔間下一段

正夜侍宴應詔

英華作正月望夜上陽宮侍宴應制

重關鐘漏通夕敞鳳皇宮雙闕祥煙裏千門明月中酒

杯

一作筵

浮湛露歌曲唱流風侍臣咸醉止恒

一作常

慙恩

遇崇

一作造

送道士入天台

洛陽陌上多離別蓬萊山下足波潮碧海桑田何處在

笙歌一聽一遙遙

楊敬述

楊敬述則天時右玉鉞衛郎將左奉宸內供奉詩一首

奉和聖製夏日遊石淙山

山中別有神仙地，屈曲幽深碧澗垂。
巖前暫駐黃金輦，席上還飛白玉卮。
遠近風泉俱合雜，高低雲石共參差。
林壑偏能留睿賞，長天莫遽下丹曦。

于季子

于季子咸亨中登進士第則天時司封員外詩七首

奉和聖製夏日遊石淙山

九旗雲布臨嵩室，萬騎星陳集潁川。
瑞液含滋登禹膳，

飛流薦響入虞弦山扉野徑朝花積帳殿惟宮夏葉連
微臣獻壽迎千壽願奉堯年億萬年

詠雲

瑞雲千里映祥輝四望新隨風亂鳥翅汎水結魚鱗布
葉疑臨夏開花詎待春願得承嘉景無令掩桂輪

詠螢

卉草誠幽賤枯朽絕因依忽逢借羽翼不覺生光輝直
念恩華重長嗟報効微方思助日月為許願曾飛

早春洛陽答杜審言

一本洛陽
下有代字

梓澤年光往復來杜霸遊人去不迴若非載筆登麟閣
定是吹簫伴鳳臺路傍桃李花猶嫩波上芙蓉葉未開
分明寄語長安道莫教留滯洛陽才

詠項羽

北伐雖全趙東歸不王秦空歌拔山力羞作渡江人

詠漢高祖

百戰方夷項三章且代秦功歸蕭相國氣盡戚夫人

南行別弟

一作楊師道詩英華
作韋承慶南中詠雁

萬里人南去三春雁北飛不知何歲月得與爾同歸

御定全唐詩卷八十

欽定四庫全書
欽定全唐詩卷八十一

集部

御定全唐詩卷八十一

喬知之

喬知之同州馮翊人與弟侃備並以文詞知名知之尤稱俊才則天時累除右補闕遷左司郎中為武承嗣所害詩一卷

長信宮中樹

婀娜當軒樹

一作葉色

豔九春華

一作時

香搖

五明扇餘花一作鳥弄盡新葉蟲書一作蠹一作遍零落心一作親一作香

客作自知芳菲君不見

下山逢故夫

妾身本薄命輕棄城南隅庭前厭苟藥山上采靡蕪春

風冐紈袖零一作靈露濕羅襦羞將憔悴日提籠逢故夫

巫山高

巫山十二峰參差互隱見潯陽幾千里周覽忽已徧想
像神女姿摘芳共珍薦楚雲何逶迤紅樹日葱蒨楚雲

沒湘源紅樹斷荆門郢路不可見況復夜聞猿

棄妾篇

妾本叢臺右君在鴈門睡悠悠淇水曲絲燕入桑枝不
因媒結好本以容相知容謝君應去情移會有離還君
結縷帶歸妾織成詩此物雖輕賤不用使人嗤

苦寒行

胡天夜清迥孤雲獨飄颻遙裔一作夷出鴈關逶迤含晶
光陰陵久喪回幽都無多一作夕陽初一作祁寒凍巨海殺

氣流大荒朔馬飲寒冰行子履胡霜路有從役倦卧死
黃沙場羈旅因相依慟之淚霑裳由來從軍行賞存不
賞亡亡者一作謝誠已矣徒令存者傷

從軍行

一作
秋閨

南庭結白露北風掃黃葉此時鴻鴈來驚鳴催思妾曲
房理緘線平砧擣文練鴛綺裁易成龍鄉信難見窈窕
九重閨寂寞十年啼紗牕白雲宿羅幌月光棲雲月隱

曉一作微微夜上一作愁思流黃機玉霜凍珠一作朱履金吹薄

羅衣漢家已得地君去將何事宛轉結蠶書寂寥無鴈
使生平荷恩信本為榮華進況復落紅顏蟬聲催綠鬢

擬古贈陳子昂

惄惄孤形影悄悄獨遊心以此從王事常與子同衾別

離三河間征戰二庭深胡天夜雨霜胡鴈晨南翔節物

感離居一作別同衾違一作還故鄉南歸日將遠北方尚蓬

飄孟秋七月時相送出外郊海風吹涼木邊聲響一作暗

稍稍勤役千萬里將臨五十年心事為誰道抽琴歌坐

筵一彈再三歎賓御淚潺湲送君竟此曲從茲長絕弦

定情篇

共君結新婚歲寒心未卜相與遊春園各隨情所逐君
愛菖蒲花妾感苦寒竹菖花多豔姿寒竹有貞葉此時
妾比君君心不如妾簪玉步河堤妖韶援綠羨鳬鴈將
子遊鶯燕從雙栖君念一作向春光好妾向一作對春光啼
君時不得意棄妾還金闈結言本同心悲歡何未齊怨
咽前致辭願得申所悲人間丈夫易世路婦難為始如

經天月終若流星馳天月相終始流星無定期

樂府詩集無此

二句
長信佳麗人失意非蛾眉廬江小吏婦非關織作遲

本願長相對今已長相思復有遊宦子結援從梁陳燕居崇三朝去來歷九春誓心妾終始蠶桑奉所親歸願未克從黃金贈路人潔婦懷明義從泛河之津于今千萬年誰當問水濱更憶娼家樓夫婿事封侯去時恩灼灼去罷心悠悠不憐妾歲宴十載隴西頭以茲常惕惕百慮恒盈積由來共結褵幾人同匪石故歲雕梁燕雙

古今來隻今日玉庭梅朝紅暮成碧碧榮始芬敷黃葉
已澌瀝何用念芳春芳春有流易何用重歡娛歡娛俄
戚戚一作寂寂家本巫山陽歸去路何長叙言情未盡採菉
已盈筐桑榆日及景物色盈高岡下有碧流水上有丹
桂香桂花不須折碧流清且潔贈君比芳菲愛惠常不
歇一作減贈君比潺湲相思無斷絕妾有秦家鏡寶匣裝
珠璣鑑來年二八不記易陰暉妾無光寂寂委照一作至
影依依今日持為贈相識莫相違

綠珠篇

萬首絕句分此詩為三首 知之有婢

曰 窦娘美麗善歌舞為武承嗣所奪 知

之 惜作此篇以寄情密送與婢婢結詩衣
帶投井而死 承嗣大恨諷酷吏羅織殺之

石家金谷重新聲明珠十斛買娉婷此日可憐君自許

此時可喜

一作愛

得人情君家閨閣不

一作未

曾難

一作關

常

將歌舞借人看意氣雄豪非分理驕矜

一作奢

勢力橫相

干辭君去君終不忍

一作辭君去
去終未忍

徒勞掩袂傷鉛粉百

年離別在高樓一旦

一作代

紅顏為君盡

和李侍郎古意

一作古意和
李侍郎 喻

妾家巫山隔漢川君度南庭向胡苑高樓迢遞想金天
河漢昭回更愴

一作
悽

然夜如何其夜未央閒花照月愁

洞房自矜夫婿勝王昌三十曾作侍中郎一從流落戍

漁陽懷哉萬恨結中腸南山幕幕免絲花北陵青青女

蘿樹由來花葉同一根今日枝條分兩處三星差池光

照灼北斗西指秋雲薄莖枯花謝枝憔悴香銷色盡花

零落美人長歎豔容萎含情收取摧折枝調絲獨彈聲

未移感君行坐星歲遲閨中宛轉今若斯誰能為報征

人知

倡女行

石榴酒葡萄漿蘭桂芳茱萸香願君駐金鞍暫此共年
芳願君解羅襦一醉同匡牀文君正新寡結念在歌倡
昨宵綺帳迎韓壽今朝羅袖引潘郎莫吹羌笛驚鄰里
不用琵琶喧洞房且歌新夜曲莫弄楚明光此曲怨且

豔哀音斷人腸

羸駿篇

噴玉長鳴西北來自言當代是龍媒萬里鐵闢行入貢

九重金闕

一作門

為君開蹀躞朝馳過上苑趨趨暝走發

章臺玉勒金鞍荷裝飾路傍觀者無窮極小山桂樹比
權奇上林桃花況顏色忽聞天將出龍沙漠主持將駕

鼓車去去山川勞日夜遙遙關塞斷煙霞山川關塞十

年征汗血流離赴月

一作行

營肌膚銷遠道膂力盡長城

長城日夕苦風霜中有連年百戰場搖珂噭勒金羈盡
爭鋒足頓鐵菱傷垂耳罷輕齋棄置在寒谿大宛蒲海

北溟壑雋

一作舊

崖西沙平留緩步路遠闊頻嘶從來力

盡君須棄何必尋途我已迷歲歲年年奔遠道朝朝暮

暮催疲老扣冰晨飲黃河源拂雪夜食天山草楚水澗

谿征戰事吳塞鳥江辛苦地持來報主不辭勞宿昔立

功非重利丹心素節本無求長鳴向君君不留祗應澶

一作漫歸田里萬里低昂任生死君王倘若不見遺白

骨黃金猶可市

銅雀妓

金閣惜分香鉛華不重粧空餘歌舞地猶是為君王哀
弦調已絕豔曲不須一作亦長共看西陵暮秋煙起一作生

白楊

侍宴應制得分字

紫禁肅晴氛朱樓落曉雲豫遊龍駕轉天樂鳳簫聞竹
外仙亭出花間輦路分微臣一何幸詞賦奉明君

梨園亭子侍宴

年光陌上發香輦禁中遊草綠鴛鴦殿花紅翡翠樓天

杯承露酌仙管雜風流今日陪歡豫皇恩不可酬

和蘇員外寓直

自昔重為郎伊人練國章三旬登建禮五夜直明光墨
草尚書奏衣飄侍御香開軒竹氣靜拂簾蕙風涼曉漏
離閭闔鳴鐘出未央從來宿臺上天子貴文強

哭故人

生死久離居悽涼歷舊廬歎茲三徑斷不踐十年餘古
木巢禽合荒庭愛客疎匣留彈罷劖牀積讀殘書玉沒

終無像蘭言強問虛平生不得意泉路復何如

折楊柳

可憐濯濯春楊柳攀折將來就纖手妾容與此同盛衰
何必君恩能獨久

喬侃

喬侃知之弟也開元中為兗州都督詩一首

人日登高

僕本多悲者年來不悟春登高一遊目始覺柳條新杜

陵猶識漢桃源
不辨秦顛若升雲霧還似出囂塵
賴得煙霞氣淹留攀桂人

喬備

喬備亦知之弟則天時預修三教珠英終襄陽令集六
卷今存詩二首

出塞

沙場三萬里猛將五千兵旌斷冰谿戍笳吹鐵闕城陰
雲幕下雪寒日晝無晶直為懷恩苦誰知邊塞情

長門怨

秋入長門殿木落洞房虛妾思宵徒靜君恩日更疎墜
露清金閣流螢點玉除還將閨裏恨遙問馬相如

御定全唐詩卷八十一

謹案卷七十八第二頁前八行至分水戍按本集

分作汾

第十二頁前八行影亂銅烏吸刊本吸訛吹據本
集改

卷七十九第二頁前六行霞影入仙杯刊本霞訛
靈據本集改



總校官庶吉士臣張能照
校對官檢討臣龔大萬
謄錄監生臣張元輯

欽定四庫全書叢要

集部

御定全唐詩卷八十一

二至四

詳校官候補通政司經歷臣郭祚熾



欽定四庫全書
唐詩卷八十二

集部

御定全唐詩卷八十二

劉希夷

劉希夷一名庭芝汝州人少有文華落魄不拘常格後
為人所害希夷善為從軍閨情詩詞旨悲苦未為人重
後孫昱撰正聲集以希夷詩為集中之最由是大為時
所稱賞集十卷今編詩一卷

將軍行

將軍闢轅門耿介當風立諸將欲言事逡巡不敢入劒
氣射雲天鼓聲振原隰黃塵塞路起走馬追兵急彎弓
從此去飛箭如雨集截圍一百重斬首五千級代馬流
血死胡人抱鞍泣古來養甲兵有事常討襲乘我廟堂
蓮坐使干戈戢獻凱歸京師一作都又作還帝京軍容何翕習

從軍行

秋天風颯颯

一作秋風來瑟瑟

羣胡馬行疾嚴城晝不開伏兵

暗相失天子廟堂拜將軍凶門出紛紛伊洛

一作晉陽

道戎

馬幾萬匹軍門壓黃河兵氣衝白日平生懷仗劍慷慨
即投筆南登漢月孤北走代雲密近取韓彭計早知孫
吳術丈夫清萬里誰能掃一室

春女行

春女顏如玉怨歌陽春曲巫山春樹紅沅湘

一作江

春草

綠自憐妖艷姿妝成獨見時愁心伴楊柳春盡亂如絲
目極千餘里悠悠春江水頻想玉闕人愁卧金闌裏尚
言春花落不知秋風起嬌愛猶未終悲涼從此始憶昔

楚王宮玉樓粧粉紅纖腰弄明月長袖舞一作拂春風容

華委西山光陰不可

一作再

還桑林變

一作沒

東海富貴今

何在寄言桃李容胡為閨閣重但看楚王墓唯有數株

松

孤松篇

蠶月桑葉青鶯時柳花白澹艷煙雨姿敷芬陽春陌如
何秋風起零落從此始獨有南澗松不歎東流水玄陰
天地冥皓雪朝夜零豈不罹寒暑為君留青青青青好

顏色落落任孤直羣樹遙相望衆草不敢逼靈龜卜真
隱仙鳥宜棲息恥受秦帝封願言唐侯食寒山夜月明

山冷氣清清淒兮歸鳳

一作風

集吹之作琴聲松子臥仙

岑寂聽疑野心清冷有真曲樵採無知音美人何時來
幽徑委綠苔吁嗟深澗底棄捐廣廈材

嵩嶽聞笙

月出嵩山東月明山益空山人愛清景散髮臥秋風風
止夜何清獨夜草蟲鳴仙人不可見乘月近吹笙絳唇

吸靈氣玉指調真聲真聲是何曲三山鸞鶴情昔去落
塵俗願言聞此曲今來臥嵩岑何幸承幽音神仙樂吾
事笙歌銘夙心

秋日題汝一作南陽潭壁

獨坐秋陰生悲來從所適行見汝陽潭飛蘿蒙水石懸
瓢木葉上風吹何歷歷幽人不耐煩振衣一作袂步閒寂

迴流清見底金沙覆銀礫錯落非一文空曠幾千尺魚
鱗可憐紫鴨毛自然碧吟詠秋水篇渺然忘損益秋水

隨形影清濁混心迹歲暮歸去來東山余宿昔

采桑

楊柳送行人青青西入秦誰家采桑女樓上不勝春盈
盈灞水曲步步春芳綠紅臉耀明珠絳唇含白玉回首

渭橋東遙憐春

一作樹

色同青絲嬌落日紺綺弄春風攜

籠長歎息逶迤

一作迤

戀春色看花若有情倚樹疑無力

薄暮思悠悠使君南陌頭相逢不相識歸去夢青樓

謁漢世祖廟

春陵氣初發漸臺首未傳列營百萬衆持國十八年運
開朱旗後道合赤符先宛城劍鳴匣昆陽鎬應弦獵獸
血塗地巨人聲沸天長驅過北趙短兵出南燕太守迎
門外王郎死道邊昇壇九城一作成陌端拱千秋年朝廷
方雀躍劒佩幾聯翩至德刑四海神儀翳九泉宗子行
舊邑恭聞清廟篇君容穆而聖臣像儼猶賢攢木承危
柱疎蘿挂朽椽祠庭巢鳥啄祭器網蟲緣懷古江山在
惟新歷數遷空餘今夜月長似舊時懸

巫山懷古

巫山幽陰地神女
豔陽年裏王伺容色落日望悠然歸來
高唐夜金缸燄青煙頽想臥瑤席夢魂何翩翩搖落殊未已
榮華倏徂遷愁思瀟湘浦悲涼雲夢田猿啼秋風夜鴈飛
明月天巴歌不可聽聽此益潺湲

歸山

歸去嵩山道煙花覆青草草綠山無塵山青楊柳春日暮
松聲合空歌思殺人

代閨人春日

珠簾的曉光玉顏豔春彩林間鳥鳴喚戶外花相待花
鳥惜芳菲鳥鳴花亂飛人今伴花鳥日暮不能歸池月
憐歌扇山雲愛舞衣佳期楊柳陌攜手莫相違

蜀城懷古

蜀土一作山遶水竹吳天積風霜窮覽通表裏氣色何蒼

蒼舊國有年代青樓思豔妝古人無歲月白骨冥丘荒
寂歷彈琴地幽流一作留讀書堂元龜埋卜室彩鳳滅詞

場陣圖一一在柏樹雙雙行鬼神清漢廟鳥雀參秦倉

歎世已多感

一作歎逝
日已多

懷心益自傷

一作感懷
心自傷

賴蒙靈

丘境時當

一作釣

明月光

洛川懷古

第二十七句缺四
字第二十八句缺

萋萋春草綠悲歌牧征馬行見白頭翁坐泣青竹下感
歎前問之贈予辛苦詞歲月移今古山河更盛衰晉家
都洛濱朝廷多近臣詞賦歸潘岳繁華稱季倫梓

一作紫

澤春草菲河陽亂華飛綠珠不可奪白首同所歸高樓

條冥滅茂林久摧折昔時歌舞臺今成狐兔穴人事互
消亡世路多悲傷北邙是吾宅東嶽為吾鄉君看北邙
道髑髏紫蔓草芳碑瑩或半存

荆棘斂幽魂揮涕棄之去不忍聞此言

春日行歌

山樹落梅花飛落野人家野人何所有滿甕陽春酒攜
酒上一作向春臺行歌伴落梅醉罷臥明月乘夢遊天台

江南曲八首

暮宿南洲草晨行北岸林日懸滄海闊水隔洞庭深煙
景無留意風波有異尋歲遊難極目春戲易為心朝夕
無榮遇芳菲已滿襟

豔唱潮初落江花露未晞春洲驚翡翠朱服弄芳菲畫
舫煙中淺青陽日際微錦帆衝浪濕羅袖拂行衣含情
罷所採相歎惜流暉

君為隴西客妾遇江南春朝遊含靈果夕採弄風蘋果
氣時不歇蘋花日自新以此江南物持贈隴西人空盈

萬里懷欲贈竟無因

皓如楚江月靄若吳岫雲波中自皎鏡山上亦氤氳明

月留照妾輕雲持贈君山川各離散光氣乃殊分天涯

一為別江止不一作自相聞

艤舟乘潮去風帆振早涼潮平見楚甸天際望維揚洄
泝經千里煙波接兩鄉雲明江嶼出日照海流長此中
逢歲宴浦樹落花芳

暮春三月晴維揚吳楚城城臨大江汜回映洞浦清晴

雲曲金閣珠樓碧煙裏月明芳樹羣鳥飛風過長林雜
花起可憐離別誰家子於此一至情何已

北堂紅草盛葦葦南湖碧水照芙蓉朝遊暮起金花盡
漸覺羅裳珠露濃自惜妍華三五歲已歎闕山千萬重
人情一去無還日欲贈懷芳怨不逢

憶昔江南年盛時平生怨在長洲曲冠蓋星繁江水上
衝風標落洞庭淥落花兩袖紅紛紛朝霞高閣洗晴雲
誰言此處嬪娟子珠玉為心以奉君

擣衣篇

秋天瑟瑟夜漫漫夜白風清玉露溥燕山遊子衣裳薄
秦地佳人閨閣寒欲向樓中紫楚練還來機上裂齊紈
攬紅袖兮愁徙倚盼青砧兮悵盤桓盤桓徒倚夜已久
螢火雙飛入簾牖西北風來吹細腰東南月上浮纖手
此時秋月可憐明此時秋風別有情君看月下參差影
為聽莎間斷續聲絳河轉兮青雲曉飛鳥鳴兮行人少
攢眉緝縷思紛紛對影穿鍼魂悄悄聞道還家未有期

誰憐登隴不勝悲夢見形容亦舊日為許裁縫改昔時
緘書遠寄交河曲湏及明年春草綠莫言衣上有斑斑
只為思君淚相續

公子行

天津橋下陽春水天津橋上繁華子馬聲迴合青雲外
人影動搖綠波裏綠波蕩漾玉為砂青雲離披錦作霞
可憐楊柳傷心樹可憐桃李斷腸花此日遨遊邀美女
此時歌舞入娼家娼家美女鬱金香飛來飛去公子傍

的的珠簾白日映娥娥玉顏紅粉妝花際裊回雙蝶
池邊顧步兩鴛鴦傾國傾城漢武帝為雲為雨楚襄王
古來容光人所羨况復今日遙相見願作輕羅著細腰
願為明鏡分嬌面與君相向轉相親與君雙棲共一身
願作貞松千歲古誰論芳槿一朝新百年同謝西山日
千秋萬古此淒塵

代悲白頭翁

一作白頭吟

洛陽城東桃李花飛來飛去落誰家洛陽女兒好顏色

坐見一作行逢落花長歎息今年花落顏色改明年花開復

誰在已見松柏摧為薪更聞桑田變成海古人無復洛
城東今人還對落花風年年歲歲花相似歲歲年年人
不同寄言全盛紅顏子應憐半死白頭翁此翁白頭真
可憐伊昔紅顏美少年公子王孫芳樹下清歌妙舞落
花前光祿池臺開錦繡將軍樓閣畫神仙一朝臥病無
相識三春行樂在誰邊宛轉蛾眉能幾時須臾鶴髮亂
如絲但看古來歌舞地惟有黃昏鳥雀悲

希夷善琵琶嘗為白頭詠

云今年花落顏色改明年花開復誰在既而悔曰我此詩似識與石崇白首同所歸何異乃更作云年年歲歲花相似歲歲年人不同既而歎曰復似向識矣詩成未周歲為姦人所殺或云宋之間害希夷而以白首翁之篇為已作至今有載此篇在之間集中者

代秦女贈行人

第三句
缺一字

鸞鏡曉含春蛾眉向影頓開衣裳破那堪粉黛新春還洛陽道為憶春堦草楊葉未能攀梅花待君掃今朝喜鵲傍人飛應是狂夫走馬歸遙想行歌共遊樂迎前含笑著春衣

洛中晴月送殷四入關

清洛浮橋南渡頭

天晶一作明

萬里散華洲晴看石瀨光

無數曉入寒潭浸不流微雲一點曙煙起南陌憧憧遍

行子欲將此意與君論復道秦關尚千里

入塞

將軍陷虜圍邊務息戎機霜雪交河盡旌旗入塞飛曉
光隨馬度春色伴人歸課績朝明主臨軒拜武威

覽鏡

青樓挂明鏡臨照不勝悲白髮今如此人生能幾時秋
風下山路明月上春期歎息君恩盡容顏不可思

晚春

佳人眠洞房回首見垂楊寒盡鴛鴦被春生玳瑁牀庭
陰幕青靄簾影散紅芳寄語同心伴迎春且薄妝

送友人之新豐

日暮秋風起關山斷別情淚隨黃葉下愁向綠樽生野
路歸驂轉河洲宿鳥驚賓遊寬旅宴王事促嚴程

餞李秀才赴舉

鴻鵠振羽翩翩飛入帝鄉朝鳴集銀樹暝宿下金塘日
月天門近風煙夜一作客路長自憐窮浦鴈歲歲不隨陽

夜集張諲所居

江南成久客門館日蕭條惟有圖書在多傷鬢髮凋諸
生陪講誦稚子給漁樵隱室寒燈淨空階落葉飄滄洲
自有趣誰道隱須招

故園置酒

酒熟人須飲春還鬢已秋願逢千日醉得緩百年憂舊
里多青草新知盡白頭風前燈易滅川上月難留卒卒
周姬旦栖栖魯孔丘平生能幾日不及且遨遊

晚憇南陽旅館

旅館何年廢征夫此日過途窮人自哭春至鳥還歌行
路新知少荒田古徑多池篁覆丹谷墳樹遙清波日照
蓬陰轉風微野氣和傷心不可去回首怨如何

欽定四庫全書
唐詩一萬七千四百八十八集部

御定全唐詩卷八十三

陳子昂

陳子昂字伯玉梓州射洪人少以富家子尚氣決好弋博後遊鄉校乃感悔修飭初舉進士入京不為人知有賣胡琴者價百萬子昂顧左右輦千緡市之衆驚問子昂曰余善此曰可得聞乎曰明日可入宣陽里如期偕往則酒肴畢具奉琴語曰蜀人陳子昂有文百軸不為

人知此賤工之伎豈宜留心舉而碎之以其文百軸徧贈會者一日之內名滿都下擢進士第武后朝為靈臺正字數上書言事遷右拾遺武攸宜止討表為管記軍中文翰皆委之子昂父為縣令段簡所辱子昂聞之遽還鄉里簡乃因事收繫獄中憂憤而卒唐興文章承徐庾餘風駢麗穠縟子昂橫制頽波始歸雅正李杜以下咸推宗之集十卷今編詩二卷

慶雲章

崑崙元氣實生慶雲大人作矣五色氣一作氣昔在帝

一作氣

媯南風既薰叢芳爛漫郁郁紛紛曠矣千祀慶雲來止
玉葉金柯祚我天子非我天子慶雲誰昌非我聖母慶
雲誰光慶雲光矣周道昌矣九萬八千天授皇年

感遇詩三十八首

微月生

一作出

西海幽陽始代

一作化

昇圓光正

一作恰

東滿

一作怡

陰魄已朝凝太極生天地三元更廢興至精諒斯在三

五誰能徵

蘭若生春夏芊蔚何青青幽獨空林色朱蕤冒紫莖遲
遲白日晚嫋嫋秋風生歲華盡搖落芳意竟何成

蒼蒼丁零塞今古緬荒途亭堠何摧兀暴骨無全軀黃
沙沙漠南起白日隱西隅漢甲三十萬曾以事匈奴但見
沙場死誰憐塞上一作孤

下

樂羊為魏將食子殉軍功骨肉一作且

尚

相薄他人安得

忠吾聞中山相乃屬放麑翁孤獸猶一作且

一作不忍況

一作矧

以奉君終

世人矜巧智於道若童蒙傾奪相夸侈不知身所終曷

見玄真子觀世玉壺中窅然遺天地乘化入無窮

吾觀龍變化乃知至陽精石林何冥密幽洞無留行古

之得仙道信與元化并玄感非象

一作蒙

識誰能測沈

一作

論冥世人拘目見酣酒笑丹經崑崙有瑤樹安得采其

英

白日每不歸青陽時暮矣茫茫吾何思林臥觀無始衆
芳委時晦鶴鳴悲耳鴻荒古已頽誰識巢居子

吾觀崑崙化日月淪洞冥精魄相交會天壤以羅生仲尼推太極老聃貴窮冥西方金仙子崇義乃無明空色皆寂滅緣業定一作亦

何成名教信紛藉死生俱未停

聖人秘元命懼世亂其真如何嵩公輩詆一作談謫誤時

人先天誠為美階亂禍誰因長城備胡寇羸禍發其親赤精既迷漢子年何救秦去去桃李花多言死如麻

深居觀元化一作羣動悱然爭朵頤讒說相啖食利害紛疑

礙便便夸昆子榮耀更相持務光讓天下商賈競刀錐

已矣行采芝萬世同一時

吾愛鬼谷子青谿無垢氣囊括經世道遺身在白雲七

雄方龍

王斷

天下久

一作亂

無君浮榮不足貴尊養晦時文

舒可

之

彌宇宙卷之不盈分豈徒山木壽空與麋鹿

羣

呦呦南山鹿罹罟以媒和招搖青桂樹幽蠹亦成科世
情甘近習榮耀紛如何怨憎未相復親愛生禍羅瑤臺
傾巧笑玉杯殞雙蛾誰見枯

孤

一作

城蘖

一作樹

青青成斧

柯

林居病時久水木澹孤清閒臥觀物化悠悠念無生青
春始萌達朱火已滿盈徂落方自此感歎何時平

臨岐泣世道天命良悠悠昔日殷王子玉馬遂朝周寶

鼎淪伊穀瑤臺成古

一作故

丘西山傷遺老東陵有故侯

貴人難得意賞愛在須臾莫以心如玉探他明月珠昔
稱夭桃子今為春市徒鴟鴞悲東國麋鹿泣姑蘇誰見

鵠夷子扁舟去五湖

聖人去已久公道絀良難蚩蚩夸昆子堯禹以為謾驕

榮貴工巧勢力迭

一作
遞

相干燕王尊樂毅分國願同歡

魯仲一作
連

讓齊爵遺組去邯鄲伊人信往矣感激為誰

歎

幽居觀天運悠悠念羣生終古代興沒豪聖莫能爭三季淪周赧七雄滅秦嬴復聞赤精子提劒入咸京炎光既無象晉虜復縱橫堯禹道已昧昏虐勢方行豈無當世雄天道與胡兵咄咄安可言時醉而未醒仲尼溺東

魯伯陽遁西溟大運自古來旅人胡歎哉

逶迤勢已久骨鯁道斯窮豈無感激者時俗頽此風灌園何其鄙皎皎於陵中世道不相容嗟嗟張長公

聖人不利已憂濟在元元黃屋非堯意瑤臺安可論吾聞西方化清淨道彌敦奈何窮金玉雕刻以為尊雲構山林盡瑤圖珠翠煩鬼工尚未可人力安能存夸愚適增累矜智道逾昏

玄天幽且默羣議曷嘒嘒聖人教猶在世運久陵夷一

繩將何繫憂醉不能持去去行采芝勿為塵所欺

蜻蛉遊天地與世本無患飛飛未能止

一作去

黃雀來相

千穰侯富秦寵金石比交歡出入咸陽裏諸侯莫敢言

寧知山東客激怒秦王肝布衣取

一作卿

相干載為辛

酸

微霜知歲晏斧柯始青青況乃金天夕浩露沾羣英登
山望宇宙白日已西暝雲海方蕩潏孤鱗安得寧

翡翠巢南海雄雌珠樹林何知美人意驕愛比黃金殺

身炎州裏委羽玉堂陰旖旎光首飾葳蕤爛錦衾豈不在遐遠虞羅忽見尋多材信為累歎息此珍禽

挈瓶者誰子姣

一作妖

服當青春三五明月滿盈盈不自

珍高堂委金玉微縷懸千鈞如何負公鼎被斂笑時人
玄蟬號白露茲歲已蹉跎羣物從大化孤英將奈何瑤
臺有青鳥遠食玉山禾崑崙見玄鳳豈復虞雲羅

荒哉穆天子好與白雲期宮女多怨曠層城閉蛾眉日
耽瑤池樂豈傷桃李時青苔空萎絕白髮生羅帷

朝發宜都渚浩然思故鄉故鄉不可見路隔巫山陽巫
山綵雲沒高丘正微茫佇立望已久涕落一作淚沾衣裳

豈茲越鄉感憶昔楚襄王朝雲無處所荆國亦淪亡

昔日章華宴荆王樂荒淫霓旌翠羽蓋射兕雲夢林竭
來高唐觀悵望雲陽岑雄圖今何在黃雀空哀吟

丁亥歲云暮西山事甲兵羸糧匝邛道荷戟爭羌城嚴

冬陰風勁窮岫泄

一作油

雲生昏暝

一作贊

無晝夜羽檄復

相驚拳跔競萬仞崩危走

遠一作

九冥籍籍

一作寂寂

峰壑裏

哀哀冰雪行聖人御宇宙聞道泰階平肉食謀何失藜
藿緬縱橫

可憐一作惜 瑤臺樹灼灼佳人姿碧華映朱實攀折青春

時豈不盛光寵榮君白玉墀但恨紅芳歇凋傷感所思

竭來豪遊子勢利禍之門如何蘭膏歎感激自生寃衆

趨明所避時棄道猶存雲淵既已失羅網與誰論箕山

有高節湘水有清源唯應白鷗鳥可為一作與洗心言

索居猶獨 幾日炎夏忽然衰陽彩皆陰翳親友盡睽

違登山望不見涕泣久連洟宿夢

一作昔

感顏色若與白

雲期馬上

一作世
中

驕豪子驅逐正蚩蚩蜀山與楚水攜手

在何時

金鼎合神

一作還

丹世人將見欺飛飛騎羊子胡乃在我

看變化固幽

一作非

類芳菲能幾時疲病苦淪世憂晦

一作

日侵淄眷然顧幽褐白雲空涕洟

朔風吹海樹蕭條邊已秋亭上誰家子哀哀明月樓自言幽燕客結髮事遠遊赤丸殺公吏白刃

一作

報私讐

避讐至海上被役此邊州故鄉三千里遼水復悠悠每
憤胡兵入常為漢國羞何知七十戰白首未封侯
本為貴公予平生實愛才感時思報國拔劍起蒿萊西
馳丁零塞北上單于臺登山見千里懷古心悠哉誰言
未忘禍磨滅成塵埃

浩然坐何慕吾蜀有峨眉念與楚狂子悠悠白雲期時
哉悲不會涕泣久連渴夢登綏山穴南采巫山芝探元
觀羣化遺世從雲螭婉變時永矣感悟不見之

朝入雲中郡。北望單于臺。胡秦何密邇。沙朔氣雄哉。
藉天驕子猖狂。已復來塞垣。無名將亭堠。空崔嵬。咄嗟
吾何歎。邊人塗草菜。

仲尼探元化。幽鴻順陽和。大運自盈縮。春秋遞一作迭來。

過盲飈。忽號怒。萬物相紛鬪。溟海皆震蕩。孤鳳其如何。

觀荆玉篇

并序

丙戌歲余從左補闕喬公北征夏四月軍幕次一作

舍于張掖河河洲草木無他異者惟有仙人杖往

往叢生幽朔地寒與中國稍異予家世好服食昔常餌之及此役也而息意茲味戍人有薦嘉蔬者此物存焉余條一作竊爾而笑曰始者與此君別不

圖至是而見之豈非神明嘉惠將欲扶吾壽也因

為喬公昌言其能時東萊王仲烈亦同旅舍聞而

大喜甘心食之已旬有五日矣適有行人自謂能

知藥者謂喬公曰此白棘也公何謬哉仲烈愕然

而疑亦曰吾怪其味甘

宋本作甜

今果如此喬公信是

言乃譏予作采玉篇謂宋人不識玉而寶珉石也
予心知必是猶以獨見之故被奪于衆人乃喟然
而歎曰嗟乎人之大明者目也心之至信者口也
夫目照五色口分五味玄黃甘苦亦可一作斷而
不惑矣而路傍一議二子增疑況君臣之際朋友
之間乎自是而觀則萬物之情可見也感采玉詠
而作觀玉篇以答之并示仲烈譏其失真也

鵠夷雙白玉此玉有緇磷懸之千金價舉世莫知真丹

青非異色輕重有殊倫勿信玉工言

一作勿信
工言子

徒悲荆

國人

鴛鴦篇

飛飛鴛鴦鳥舉翼相蔽虧俱來綠潭裏共向白雲涯音容相眷戀羽翮兩逶迤蘋戲春渚霜霰遠寒池浦沙連岸淨汀樹拂潭垂年年此遊覩歲歲來追隨鳳皇起丹穴獨向一作梧桐枝鴻雁來紫塞空憶稻粱肥烏啼倦依託鶴鳴傷別離豈若此雙禽飛翻不異林刷尾青

棲獨

梧桐枝鴻雁來紫塞空憶稻粱肥烏啼

清一作

江浦交頸紫山岑文章負奇色和鳴多好音聞有

鴛鴦綺復有鴛鴦衾持為美人贈此故交心

與東方左史虬修竹篇

并書

東方公足下文章道弊五百年矣漢魏風骨晉宋
莫傳然而文獻有可徵者僕嘗暇時觀齊梁間詩
彩麗競繁而興寄都絕每以永歎思古人常恐讒

逶

一作迤

逶迤

靡

靡

風雅不作以耿耿也一昨於解三處

見明公詠孤桐篇骨氣端翔音情頓挫光英

一作映

朗練有金石聲遂用洗心飾視發揮幽鬱不圖正始之音復覩於茲可使建安作者相視而笑解君云張茂先何敬祖東方生與其比肩僕亦以為知言也故感歎雅製作修竹詩一首當有知音以傳

示之

龍種

一作鐘

生南嶽孤翠鬱亭亭峰嶺上崇翠煙雨下微

冥夜聞鼯鼠叫晝聒泉壑聲春風正淡蕩白露已清冷哀響激金奏密色滋玉英歲寒霜雪苦含彩獨青青豈

不厭凝列羞比春木榮春木有榮歇此節無凋零始願
與金石終古保堅貞不意伶倫子吹之學鳳鳴遂偶雲
和瑟張樂奏天庭妙曲方千變簫韶亦九成信蒙雕斲
美常願事仙靈驅馳翠虬駕伊鬱紫鸞笙結交羸臺女
吟弄昇天行攜手登白日遠遊戲赤城低昂玄鶴舞斷
續綵雲生永隨衆仙逝三山遊玉京

薊丘覽古贈盧居士藏用七首

并序

丁酉歲吾止征出自薊門歷觀燕之舊都其城池

霸業迹已蕪沒矣乃慨然仰歎憶昔樂生鄒子羣
賢之遊盛矣因登薊丘作七詩以志之寄終南盧
居士亦有軒轅之遺跡也

軒轅臺

北登薊丘望求古軒轅臺應龍已不見牧馬空黃埃尚
想廣成子遺跡白雲隈

燕昭王

南登碣石坂一作館遙望黃金臺丘陵盡喬木昭王安在

哉霸圖悵已矣驅馬復歸來

樂生

王道已淪昧戰國競貪兵樂生何感激仗義下齊城雄
圖竟中天遺歎寄阿衡

燕太子

秦王日無道太子怨亦深一聞田光義七首贈千金其
事雖不立千載為傷心

田光先生

自古皆有死徇

一作循

義良獨稀奈何燕太

一作丹

子尚使

田生疑伏劔誠已矣感我涕沾衣

鄒衍

大運淪三代天人罕有窺鄒子何寥廓漫說九瀛垂興
亡已千載今也則無推

一作為

郭隗

末缺

逢時獨為貴歷代非無才隗君亦何幸遂起黃金臺

西還至散闕答喬補闕知之

歲遲蒼梧鳳嘹唳白露蟬羽翰本非匹結交何獨全昔
君事胡馬余得奉戎旃攜手向沙塞關河緬幽燕芳歲
幾陽止白日屢徂遷功業雲臺薄平生玉佩捐歎此南
歸日猶聞北戍邊代水不可涉巴江亦潺湲攬衣度函
谷銜涕望秦川蜀門自茲始雲山方浩然

度峽口山贈喬補闕知之王二無競

峽口大漠南橫絕界中國叢石何

一作相

紛紛赤

一作

山

復翕赩遠望多衆容逼

一作迫

之無異色崔嵬乍孤斷逶

迤屢回直信關胡馬衝亦距漢邊塞豈依河山險將順
休明德物壯誠有衰勢雄一作高良易極遷迤忽而盡決

漭平不息之于黃金軀如何此荒域雲臺盛多士待君

丹墀側

題居延古城贈喬十二知之

聞君東山意宿昔紫芝榮滄洲今何在華髮旅邊城還
漢功既薄逐胡策未行徒嗟白日暮坐對黃雲生桂枝
芳欲晚薏苡謗誰明無為空自老含歎負生平

贈趙六貞固二首

回中峰火入塞上追兵起此時邊朔寒登龍思君子東
顧望漢京南山雲霧裏

赤螭媚其彩

一作形

婉孌蒼梧泉昔者瑯琊子躬耕亦慨

然美人豈遐曠之子乃前賢良辰在何許白日屢頽遷

道心固微密神用無留連舒可彌宇宙攬之不盈拳蓬

菜

一作茅又作蒿

久蕪沒金石徒精堅良寶委短褐閒琴獨蟬

娟

答韓使同在邊

漢家失中策胡馬屢南驅聞詔安邊使曾是故人謨廢
書悵懷古負劒許良圖出關歲方晏乘障日多虞虜入
白登道烽交紫塞途連兵屯北地清野備東胡邊城方
晏閉斥堠始昭蘇復聞韓長孺辛苦事匈奴雨雪顏容
改縱橫才位孤空懷老臣策未獲趙軍租但蒙魏侯重
不受謗書誣當取金人祭還歌凱入都

征東至淇門答宋十一叅軍之間

南星中大火將子涉清淇西林改微月征旆空自持碧

潭去已遠瑤華

一作草

折遺誰若

一作君

問遼陽戍悠悠

一作作

搖天際旗

答洛陽主人

平生白雲志早愛赤松遊事親恨未立從宦此中州主

人亦何一作何一作發

問旅客非悠悠方謁明天子清宴奉良籌

再取連城璧三陟平津侯不然拂衣去歸從海上鷗寧

隨當代子傾側且沉浮

酬暉上人秋夜山亭有贈

皎皎白林秋，微微翠山靜。禪居感物變，獨坐開軒屏風泉。
夜聲雜一作絕月露宵光冷，多謝忘機人。塵憂未能整，

酬李叅軍崇嗣旅館見贈

昨夜銀河畔，星文犯遙

一作天

漢今朝紫氣新，物色果逢

真言從天上落，乃是地仙人。白璧疑空楚，烏裘似入秦。

摧藏多古意，歷覽備艱辛。樂廣雲雖覩，夷吾風未春。鳳
歌空有問，龍性詎能馴。寶劍終應出，驪珠會見珍。未及

馮公老何驚孺子貧青雲儻可致一作效北海憶孫賓

酬暉上人夏日林泉

聞道白雲居窈窕青蓮宇巖泉萬丈流

一作流雜樹

樹石

一作

室石千年古林臥對軒窗山陰滿庭戶方釋塵事勞從君

襲蘭杜

同宋叅軍之間夢趙六贈盧陳二子之作

曉霧望嵩丘

一作
歲

白雲半巖足氣氤涵翠微宛如羸

一作

瀛臺曲故人昔所尚幽琴歌斷續變化竟無常人琴遂

兩亡白雲失處所夢想曖容光疇昔疑緣業儒道兩相妨前期許幽報迨此尚茫茫晤言既已失感歎恨一作情

何一始憶攜手期雲臺與峨眉達兼濟天下窮獨善其時諸君推管樂之子慕巢夷奈何蒼生望卒為黃綬欺銘鼎功未立山林事亦微撫孤一流慟懷舊日一作睽違盧子尚高節終南臥松雪宋侯逢聖君驂馭一作遊御

青雲而我獨蹭蹬語默道猶屯征戍在遼陽蹉跎草再黃丹丘恨不及白露已蒼蒼遠聞山陽賦感涕下沾裳

送別出塞

平生聞高義，書劍百夫雄。
言登青雲去，非此白頭翁。
胡兵屯塞下，漢騎屬一作入雲。
中君為白馬，將腰佩驛角弓。

單于不敢射，天子佇深功。
蜀山余方隱，良會何時同。

登薊丘樓送賈兵曹入都

東山宿昔意，北征非我心。
孤負平生願，感涕下沾襟。
暮登薊樓上，永望燕山岑。
遼海方漫漫，胡沙飛且深。
峨眉杳如夢，仙子曷由尋。
擊劍起歎息，白日忽西沉。
聞君洛

陽使因子寄南音

夏日暉上人房別李叅軍崇嗣

并序
嗣內缺二字

考察天人旁羅變動東西南北賢聖不能定其居
寒暑晦明陰陽不能革其數莫不雲離雨散奔馳
于宇宙之間宋遠燕遙泣別于關山之際自古來
矣李叅軍白雲英胄紫氣仙人愛江海而高尋頓
風塵而未息來從許下月旦出于龍泉言入蜀中
星文見於牛斗野亭相遇逆旅承歡謝鯤之山水

暫開樂廣之雲天自樂思道林而不見悵若有亡

詣祇樹而從遊

缺

然舊款高僧展袂大士臨筵披

缺路之天書坐琉璃之寶地簾惟後闢拂鸚鵡之

香林欄檻前開照芙蓉之綠水討論儒墨探覽真

玄覺周孔之猶述

一作迷

知老莊之未悟

一作悟

遂欲

高板寶座伏奏金仙開不二之法門觀大千之世

界歡娛恍晚離別行催紅霞生而白日歸青氣凝
而碧山暮驪歌斷引抗手將辭江漢浩浩而長流

天地居然而不動嗟乎色為何色悲樂忽而因生
誰去誰來離會紛而妄作俗之迷也不亦煩乎各
述所懷不拘章韻

四十九變化一十三死生翕忽玄黃裏驅馳風雨情是
非紛妄作寵辱坐相驚至人獨幽鑒覽一作窮究隨昏明

咫尺山河道軒窗日月庭別離焉足問悲樂固能并我
輩何為爾棲皇猶未平金臺可攀陟寶界絕將迎戶牖
觀天地階基上杳冥自超三界樂安知萬里征中國要

荒內人寰宇宙榮弦望如朝夕寧嗟蜀道行

秋園臥病呈暉上人

幽寂曠日遙林園轉清密疲疴澹無豫獨坐泛瑤瑟懷

挾萬古情憂虞百年疾綿綿多滯念忽忽每如失緝想

赤松遊高尋白雲

一作紫庭

逸榮吝始都喪幽人遂貞吉圖

書紛滿床山水藹盈室宿昔心所尚平生自茲畢願言

誰見知梵筵有同術八月高秋晚涼風正蕭瑟

登澤州城北樓讌

平生倦遊者觀化久無窮復來登此國臨望與君同坐

見秦兵壘遙聞趙將雄武安君何在長平事已空且歌

玄雲曲御

一作銜

酒舞薰風勿使青衿子嗟爾白頭翁

山水粉圖

山圖

一作仙
非圖

之白雲兮若巫山之高丘紛羣翠之鴻溶

又似蓬瀛海水之周流信夫人之好道愛雲山以幽求

綠樹歌

嘉錦筵之珍樹兮錯衆綠之氛氲狀瑤臺之微月點巫

山之朝雲青春兮不可逢況蕙色之增芬結芳意而誰
賞怨絕世之無聞紅榮碧豔坐看歇素華流年不待君
故吾思崑崙之琪樹厭桃李之繽紛

春臺引

寒食集畢
錄事宅作

感陽春兮生碧草之油油懷宇宙以傷遠登高臺而寫
憂遲美人兮不見恐青歲之遂還一作道從畢公以酣飲
寄林塘而一留採芳蓀於北渚憶桂樹於南州何雲木
之美麗而池館之崇幽星臺秀士月旦諸子嘉青鳥之

辰迎火龍之始挾寶書與瑤瑟芳蕙華而蘭靡乃掩白
蘋藉綠芷酒既醉樂未已擊青鐘歌渌水怨青春之萎
絕贈瑤臺一作華之旖旎願一見而道意結衆芳之綢繆

曷余情之蕩漾矚青雲以增愁悵三山之飛鶴憶海上
之白鷗重曰羣仙去兮青春頽歲華歇兮黃鳥哀富貴
榮樂幾時兮朱宮碧堂生青苔白雲兮歸來

登幽州臺歌

前不見古人後不見來者念天地之悠悠獨愴然而涕

下

喜馬參軍相遇醉歌

并序

吾無用久矣進不能以義補國退不能以道隱身
天子哀矜居於侍省且欲以芝桂為伍麋鹿同曹
軒裳鍾鼎如夢中也南榮曝背北林設置有客扣
門云吾道存孺子孺子黃中通理時玄冬遇夜微
月在天白雲半山志逸海上酒既醉瑟方清陶然
玄暢浩爾太素則欲狎青鳥寄丹丘矣日月云邁

蟋蟀謂何夫詩可以比興也不言曷著時醉書散
灑乃昏見清廟臺令知此有蜀雲氣也畢大拾遺
陸六侍御崔議司崔兵曹鮮于晉崔酒子懷一道
人當知吾此評是實錄也若東萊王仲烈見之必
以為真醉歌曰

獨幽默以三月兮深林潛居時歲忽兮孤憤遐吟誰知
我心孺子孺子其可與理分

御定全唐詩卷八十三